

Կ Ա Ն Ո Ն Ա Կ Ա Ր Գ

«ՌԱԴԻՈԻԶՈՏՈՊՆԵՐԻ ԱՐՏԱԴՐՈՒԹՅԱՆ ԿԵՆՏՐՈՆ» ՓԱԿ ԲԱԺՆԵՏԻՐԱ-
ԿԱՆ ԸՆԿԵՐՈՒԹՅԱՆ ԿԱՌԱՎԱՐԻՉ ԿԱԶՄԱԿԵՐՊՈՒԹՅԱՆ (ԿԱՌԱՎԱՐՉԻ)
ԸՆՏՐՈՒԹՅԱՆ ՀԱՄԱՐ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԷԿՈՆՈՄԻԿԱՅԻ
ՆԱԽԱՐԱՐՈՒԹՅԱՆ ԿՈՂՄԻՑ ԻՐԱԿԱՆԱՑՎՈՂ ՀՐԱՊԱՐԱԿԱՅԻՆ ՄՐՑՈՒՅԹԻ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կանոնակարգով կարգավորվում են «Ռադիոիզոտոպների արտադրու-
թյան կենտրոն» փակ բաժնետիրական ընկերության (այսուհետ՝ ընկերություն) բնականոն
գործունեության ապահովման և ընթացիկ գործունեության ղեկավարման նպատակով կառա-
վարիչ կազմակերպության (կառավարչի) (այսուհետ՝ կառավարիչ) ընտրության համար
Հայաստանի Հանրապետության էկոնոմիկայի նախարարության (այսուհետ՝ նախարարու-
թյուն) կողմից իրականացվող հրապարակային մրցույթի (այսուհետ՝ մրցույթ) անցկացման
հետ կապված հարաբերությունները:

II. ՄՐՑՈՒՅԹԻ ԱՌԱՐԿԱՆ

2. Մրցույթի առարկան ընկերության բնականոն գործունեության ապահովման և
ընթացիկ գործունեության ղեկավարման նպատակով ընկերության գործադիր մարմնի
իրավասությունների իրականացման համար անհրաժեշտ կառավարչի ընտրությունն է,
որն ամբողջապես օժտված է լինելու «Բաժնետիրական ընկերությունների մասին» Հայաս-
տանի Հանրապետության օրենքով նախատեսված ընկերության ընթացիկ գործունեու-
թյան ղեկավարման բոլոր իրավասություններով (բացառությամբ օրենքով և ընկերության

կանոնադրության համաձայն ժողովի և խորհրդի բացառիկ իրավասություն հանդիսացող հարցերի)՝ իրականացնելով ընկերության գործադիր մարմնի լիազորությունները:

3. Կառավարիչը պարտավոր է սեփական միջոցների հաշվին ապահովել՝

1) C18/18 գծային արագացուցչի անխափան և անվտանգ գործարկումը և շահագործումը.

2) ռադիոդեղագործական միջոցների արտադրությունը՝ GMP չափորոշիչների համաձայն.

3) պոզիտրոն էմիսիոն և համակարգչային տոմոգրաֆիայի (PET/CT), միաֆոտոն էմիսիոն համակարգչային տոմոգրաֆիայի (SPECT) ախտորոշման սարքավորումների շահագործումը և համապատասխան ախտորոշման ծառայությունների մատուցումը.

4) ռադիոիզոտոպների արտադրության կենտրոնի կողմից մատուցվող ծառայությունների աշխատանքների իրականացման համար անհրաժեշտ չափորոշիչների ներդրումը.

5) ռադիոիզոտոպների արտադրության կենտրոնի մարդկային ռեսուրսների ընտրության, վարձատրության, շարունակական ուսուցման, վերապատրաստման աշխատանքների իրականացումը.

6) ռադիոիզոտոպների արտադրության կենտրոնի զարգացումը.

7) ուսումնական և բժշկական հաստատությունների համար համապատասխան ուսումնական գործընթացների կազմակերպմանն աջակցելը.

8) «Ա. Ի. Ալիխանյանի անվան ազգային գիտական լաբորատորիա (Երևանի ֆիզիկայի ինստիտուտ)» հիմնադրամի մասնագիտական անձնակազմի C18/18 արագացուցչի պրոտոնային արտաքին փնջի և ներքին թիրախների հետ կապված գիտահետազոտական ու բժշկական իզոտոպների հետազոտման և արտադրության գործունեությանն աջակցությունը:

III. ՄՐՑՈՒՅԹԻ ՄԱՄՆԱԿԻՑՆԵՐԸ

4. Կառավարչի ընտրության համար նախարարության կողմից իրականացվող մրցույթին կարող են մասնակցել սույն կանոնակարգի 5-րդ կետով նախատեսված համապատասխանության չափանիշները բավարարող մասնագիտացված կազմակերպությունները (այսուհետ՝ մասնակիցներ):

5. Մասնակիցը պետք է համապատասխանի հետևյալ պահանջներին՝

1) միջուկային բժշկության և ախտորոշման համալիր բժշկական ծառայությունների մատուցման առնվազն 7 տարվա միջազգային փորձ, մասնավորապես՝

ա. ցիկլոտրոնի շահագործում,

բ. ուռուցքային գոյացությունների և հիվանդությունների ախտորոշման և բուժման համար անհրաժեշտ մասնագիտացված ռադիոդեղագործական ծառայությունների կազմակերպում, իրականացում և մատուցում, ռադիոդեղագործարանների կառավարում, անձնավորված դեղաչափերի տեղաբաշխման կազմակերպում,

գ. պոզիտրոն էմիսիոն և համակարգչային տոմոգրաֆիայի (PET/CT), միաֆոտոն էմիսիոն համակարգչային տոմոգրաֆիայի (SPECT) ախտորոշման և ոչ ինվազիվ ռադիոլիիրաբուժության (ներառյալ «գամմա-դանակ» ստերեոտակտիկ վիրահատական գործիքով) համալիր բժշկական ծառայությունների, ինչպես նաև արտահիվանդանոցային ախտորոշիչ ծառայությունների մատուցում՝ ներառյալ մագնիսային-ռեզոնանսային տոմոգրաֆիան (MRI),

դ. I-131, I-125 ռադիոիզոտոպների, Tc-99m կարդիոլիտի, Tc-99m գտված /չգտված ծծմբի քլորիդի, Tc-99m MDP, Tc-99m HDP, Tc-99m PYP, Tc-99m DTPA, Tc-99m DMSA, Tc-99m մերքոֆենինի, Tc-99m MAA, Tc-99m HSA, Tc-99m MAG-3, Tc-99m Bisicate տեխնեցիումի և ռադիոդեղագործական ախտորոշման ու բուժման այլ միջոցների արտադրության և դրանց հիման վրա ախտորոշման ծառայությունների մատուցում,

ե. նմանատիպ բժշկական հաստատությունների կառավարման փորձ.

2) մասնակիցը պետք է հայտնի իր պատրաստակամությունը՝ Ա. Ի. Ալիխանյանի անվան ազգային գիտական լաբորատորիայի հետ համագործակցելու համար՝ մրցունակ ուռուցքաբանական (օնկոլոգիական) ծառայությունների մատուցումը, հատկապես, միջուկային բժշկության ոլորտում, և նորագույն տեխնոլոգիաների կիրառումն ապահովելու նպատակով:

6. Մրցույթին մասնակցելու իրավունք չունեն այն անձինք՝

1) որոնք դատական կարգով ճանաչվել են սնանկ.

2) որոնք ունեն ժամկետանց պարտքեր՝ Հայաստանի Հանրապետության հարկային և պարտադիր սոցիալական ապահովության վճարների գծով.

3) որոնց գործադիր մարմնի ներկայացուցիչը հայտը ներկայացնելու պահին նախորդող երեք տարվա ընթացքում դատապարտած է եղել տնտեսական գործունեության կամ պետական ծառայության դեմ ուղղված հանցագործության համար՝ բացառությամբ այն դեպքերի, երբ դատվածությունն օրենքով սահմանված կարգով հանված կամ մարված է.

4) որոնք ներառված են գնումների գործընթացին մասնակցելու իրավունք չունեցող մասնակիցների ցուցակում:

7. Մասնակիցների ցանկությամբ նախարարության կողմից անվճար տրամադրվում է սույն կանոնակարգի պատճենը՝ կանոնակարգի տրամադրման հայտը ներկայացնելուց հետո մեկ աշխատանքային օրվա ընթացքում:

IV. ՄՐՑՈՒԹԱՅԻՆ ՀԱՆՁՆԱԺՈՂՈՎԻ ԿԱԶՄԱՎՈՐՈՒՄԸ

8. Մրցութային հանձնաժողովի (այսուհետ՝ հանձնաժողով) նպատակն է անցկացնել ընկերության կառավարչի ընտրության մրցույթ, համապատասխան մասնակցի հետ վարել բանակցություններ, համաձայնեցնել պայմանագրի նախագիծը և այն ներկայացնել նախարարություն՝ Հայաստանի Հանրապետության կառավարության հավանությանը ներկայացնելու համար:

9. Հանձնաժողովի հիմնական կազմը և հանձնաժողովի նախագահն ու քարտուղարը հաստատվում են Հայաստանի Հանրապետության էկոնոմիկայի նախարարի հրամանով: Հանձնաժողովը բաղկացած է առնվազն 5 անդամից:

10. Հանձնաժողովի գործունեության վայրը՝ քաղ. Երևան, 0010, Միեր Մկրտչյան 5, Հայաստանի Հանրապետության էկոնոմիկայի նախարարություն: Հեռախոսահամարը՝ 374 10 54 31 67:

11. Հանձնաժողովը՝

- 1) իրականացնում է մրցույթի նախապատրաստումն ու անցկացումը.
- 2) ուսումնասիրում է մրցույթի հայտերը, որոշում մրցույթի նախնական հաղթողին.
- 3) մրցույթը համարում է չկայացած.
- 4) անհրաժեշտության դեպքում հրավիրում է փորձագետների:

12. Հանձնաժողովի գործունեությունը կազմակերպվում է նիստերի միջոցով: Նիստերը հրավիրվում են ըստ անհրաժեշտության՝ հանձնաժողովի նախագահի նախաձեռնությամբ կամ հանձնաժողովի առնվազն 3 անդամի առաջարկությամբ:

13. Հանձնաժողովի որոշումներն ընդունվում են նիստին մասնակցող հանձնաժողովի անդամների ձայների պարզ մեծամասնությամբ: Քվեարկության ընթացքում հանձնաժողովի յուրաքանչյուր անդամ ունի մեկ ձայնի իրավունք: Հանձնաժողովն իրավագոր է, եթե հանձնաժողովի նիստին մասնակցում են հանձնաժողովի անդամների կեսից ավելին: Ձայների հավասարության դեպքում հանձնաժողովի նախագահի ձայնը վճռորոշ է:

14. Նիստերում քննարկված հարցերը, եզրահանգումները և ընդունված որոշումներն արձանագրվում են: Արձանագրություններն ստորագրվում են մրցույթին մասնակցած հանձնաժողովի անդամների կողմից: Հանձնաժողովի անդամի՝ հատուկ կարծիք ունենալու դեպքում այն գրավոր ներկայացվում է հանձնաժողովի նախագահին և կցվում արձանագրությանը:

գրությամբ:

MAR-940.1

15. Հանձնաժողովի նախագահը՝

- 1) հրավիրում է հանձնաժողովի նիստերը և նախագահում դրանք.
- 2) կազմակերպում և համակարգում է հանձնաժողովի աշխատանքները.
- 3) ստորագրում է հանձնաժողովի որոշումները և արձանագրությունները, հանձնաժողովի գործունեությանն առնչվող անհրաժեշտ փաստաթղթերն ու գրությունները:

16. Հանձնաժողովի անդամը՝

- 1) մասնակցում է հանձնաժողովի նիստերին.
- 2) իրականացնում է հանձնաժողովի առջև դրված խնդիրների լուծման հետ կապված աշխատանքները.
- 3) ստորագրում է հանձնաժողովի նիստերի արձանագրությունները.
- 4) հանձնաժողովի նիստին մասնակցել չկարողանալու դեպքում (հարգելի պատճառով) նախապես տեղեկացնում է հանձնաժողովի նախագահին:

17. Հանձնաժողովի քարտուղարը՝

- 1) հայտերը գրանցում է գրանցամատյանում ըստ ստացման հերթականության՝ նշելով գրանցման համարը, տարեթիվը, ամիսը, ամսաթիվը և ժամը.
- 2) նախապատրաստում է հանձնաժողովի նիստերը.
- 3) հանձնաժողովին տրամադրում է հանձնաժողովի գործունեությանը վերաբերող նյութերն ու ընթացիկ տեղեկատվությունը.
- 4) կազմում է հանձնաժողովի նիստերի արձանագրությունները և դրանք ներկայացնում նիստին մասնակցած հանձնաժողովի անդամների ստորագրությանը.
- 5) վարում է հանձնաժողովի աշխատանքների հետ կապված գործավարությունը և փաստաթղթերը հանձնում նախարարություն:

18. Հանձնաժողովի գործունեությունը դադարում է մրցույթի արդյունքներով նախնա-

Հայաստանի Հանրապետության կառավարության որոշման նախագիծը Հայաստանի Հանրապետության էկոնոմիկայի նախարարի կողմից Հայաստանի Հանրապետության կառավարության քննարկմանը ներկայացվելու պահից:

Վ. ՄՐՑՈՒՅԹԻ ԱՆՑԿԱՑՄԱՆ ՄԱՍԻՆ ԾԱՆՈՒՑՈՒՄԸ

19. Նախարարությունը մրցույթի անցկացման մասին կատարում է հրապարակային ծանուցում, այդ թվում՝ www.azdarar.am հասցեում գտնվող Հայաստանի Հանրապետության հրապարակային ծանուցումների պաշտոնական ինտերնետային կայքում Հայաստանի Հանրապետության օրենսդրությամբ սահմանված կարգով:

ՎԻ. ՄՐՑՈՒՅԹԻ ՀԱՅՏԵՐԸ ՆԵՐԿԱՅԱՑՆԵԼՈՒ ԿԱՐԳԸ

20. Մրցույթի հայտերը ներկայացվում են մինչև դրա համար հրապարակային ծանուցմամբ սահմանված ժամկետի ավարտը:

21. Մրցույթի հայտերը կարող են ներկայացվել առձեռն, պատվիրված նամակով կամ էլեկտրոնային եղանակով: Հայտը թղթային եղանակով ներկայացվելու դեպքում դրվում է ծրարի մեջ: Ծրարի վրա անհրաժեշտ է կատարել հետևյալ գրառումները՝

1) մրցույթի անվանումը.

2) Հայաստանի Հանրապետություն, քաղ. Երևան, Մ. Մկրտչյան 5, Հայաստանի Հանրապետության էկոնոմիկայի նախարարություն, 827 սենյակ.

3) Հայտատուի անվանումը (անունը), գտնվելու վայրը և հեռախոսահամարը:

22. Հայտը էլեկտրոնային տարբերակով ներկայացվելու դեպքում անհրաժեշտ է այն ներկայացնել՝ info@cf.am հասցեով:

23. Քարտուղարը հայտերը գրանցում է գրանցամատյանում ըստ ստացման հերթականության՝ ծրարի վրա նշելով գրանցման համարը, տարեթիվը, ամիսը, ամսաթիվը և ժամը:

VII. ՄՐՑՈՒՅԹԻ ՀԱՅՏՈՒՄ ՆԵՐԱՌՎՈՂ ՀԱՅՏԱՐԱՐՈՒԹՅՈՒՆՆԵՐԻ,
ՓԱՏՏԱԹՂԹԵՐԻ ԵՎ ՄԱՍՆԱԳԻՏԱԿԱՆ ԳՈՐԾՈՒՆԵՈՒԹՅԱՆ
ՀԱՄԱՊԱՏԱՍԽԱՆՈՒԹՅԱՆ ՉԱՓԱՆԻՇՆԵՐԻ ՑԱՆԿԸ

24. Մրցույթի հայտը պետք է ներառի հետևյալ տեղեկությունները՝

1) մասնակցության դիմում համաձայն N 1 ձևի, որին կից պետք է ներկայացվեն իրավաբանական անձի մասին հետևյալ տեղեկությունները և փաստաթղթերը՝ կազմակերպության գրանցման վկայականի պատճենը, կանոնադրության պատճենը, գործունեության տեսակները, հասցեն, հեռախոսահամարը, էլեկտրոնային փոստի հասցեն, ֆաքսը և այլն:

2) հայտարարություն հայտը ներկայացնելու իրավունքի մասին՝ համաձայն N 2 ձևի.

3) հայտարարություն մասնագիտական գործունեության համապատասխանության չափանիշների մասին՝ համաձայն N 3 ձևի, որին կից պետք է ներկայացվի հայտը ներկայացնելու տարվա և դրան նախորդող երեք տարվա ընթացքում մրցույթի առարկային բնույթով և ծավալով համապատասխան աշխատանքների պատշաճ ձևով իրականացման փորձի մասին տեղեկություններ՝ ըստ տարիների:

VIII. ՄՐՑՈՒՅԹԻ ՀԱՅՏԵՐԻ ԳՆԱՀԱՏՈՒՄԸ ԵՎ ԱՄՓՈՓՈՒՄԸ

25. Մրցույթի հայտերը գնահատվում և ամփոփվում են սույն կանոնակարգին համապատասխան:

26. Սույն կանոնակարգով սահմանված պահանջներին հայտի անհապատասխանության դեպքում հանձնաժողովի որոշմամբ հայտը մերժվում է:

27. Հանձնաժողովի կողմից գնահատվում են միայն սույն կանոնակարգի, հրապարակային ծանուցման և մասնագիտական գործունեության համապատասխանության չափանիշների պահանջներին համապատասխան ներկայացված հայտերը:

28. Մրցույթի հայտերը գնահատվում են հետևյալ չափանիշներով՝

Գնահատման չափանիշը	Առավելագույն միավորը
1. Միջուկային բժշկության և ախտորոշման համալիր բժշկական կենտրոնների կառավարման միջազգային փորձ	40
2. Ցիկլոտրոնի շահագործում	30
3. Ռադիոդեղագործական միջոցների արտադրություն՝ GMP չափորոշիչների համաձայն, և դրանց հիման վրա ախտորոշման ծառայությունների մատուցում, այդ թվում F-18, I-131, I-125 ռադիոիզոտոպների, Tc-99m կարդիոլիտի, Tc-99m զտված /չզտված ծծմբի քոլիդի, Tc-99m MDP, Tc-99m HDP, Tc-99m PYP, Tc-99m DTPA, Tc-99m DMSA, Tc-99m մեքրոֆենինի, Tc-99m MAA, Tc-99m HSA, Tc-99m MAG-3, Tc-99m Bisicate տեխնեցիումի	20
4. Պոզիտրոն էմիսիոն և համակարգչային տոմոգրաֆիայի (PET/CT), միաֆոտոն էմիսիոն համակարգչային տոմոգրաֆիայի (SPECT) ախտորոշման և ոչ ինվազիվ ռադիոլիդիաբուսության (ներառյալ «գամմա-դանակ» ստերեոտակտիկ վիրահատական գործիքով) համալիր բժշկական ծառայությունների, ինչպես նաև արտահիվանդանոցային ախտորոշիչ ծառայությունների մատուցում ներառյալ մագնիսային-ռեզոնանսային տոմոգրաֆիան (MRI)	10
Ընդամենը	100

29. Հանձնաժողովն իր կողմից գնահատման արդյունքում կազմում է արձանագրություն՝ ամփոփելով մասնագիտական գործունեության համապատասխանության չափանիշների պահանջներին համապատասխան մասնակիցների ստացած միավորները:

IX. ՊԱՅՄԱՆԱԳՐԻ ԿՆՔՈՒՄԸ

30. Պայմանագիրը կնքվում է գրավոր՝ Հայաստանի Հանրապետության կառավարության կողմից հավանության արժանանալուց հետո: Պայմանագիրը կնքվում է մեկ փաստաթուղթ կազմելու միջոցով:

31. Պայմանագիր կնքելու համար ընտրվում է առավելագույն միավորներ ստացած մասնակիցը: Միավորների հավասարության դեպքում նախապատվությունը տրվում է MAR-940.1

միջուկային բժշկության և ախտորոշման համալիր բժշկական ծառայությունների մատուցման առավել մեծ միջազգային փորձ ունեցող մասնակցին:

32. Հանձնաժողովը գնահատման արդյունքում առավելագույն միավորներ ստացած մասնակցին՝ համապատասխան արձանագրությունը կազմելուց հետո երկու օրացուցային օրվա ընթացքում ուղարկում է ծանուցում ներկայացնելով պայմանագրի նախագիծը, բանակցելու և առավելագույնը 15 օրացուցային օրվա ընթացքում պայմանագրի նախագիծը համաձայնեցնելու և նախարարություն ներկայացնելու առաջարկը:

33. Եթե սույն կանոնակարգի 32-րդ կետով սահմանված ժամկետում պայմանագրի նախագիծը չի համաձայնեցվում և ներկայացվում նախարարություն, մասնակիցը գրկվում է պայմանագիրն ստորագրելու իրավունքից: Այդ դեպքում հանձնաժողովը սույն կանոնակարգի 32-րդ կետով սահմանված կարգով պայմանագիր կնքելու առաջարկ է ներկայացնում մրցույթում երկրորդ, իսկ վերջինիս կողմից առաջարկը չընդունվելու դեպքում երրորդ տեղն զբաղեցրած մասնակցին:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ-ՆԱԽԱՐԱՐ

Վ . ԳԱՐԻԵԼՅԱՆ

ՌԱԴԻՈԻՉՈՏՈՊՆԵՐԻ ԱՐՏԱԴՐՈՒԹՅԱՆ ԿԵՆՏՐՈՆ» ՓԲԸ-Ի
ԿԱՌԱՎԱՐԻՉ ԿԱԶՄԱԿԵՐՊՈՒԹՅԱՆ (ԿԱՌԱՎԱՐՉԻ) ԸՆՏՐՈՒ-
ԹՅԱՆ ՀԱՄԱՐ ՀՀ ԷԿՈՆՈՄԻԿԱՅԻ ՆԱԽԱՐԱՐՈՒԹՅԱՆ
ԿՈՂՄԻՑ ԻՐԱԿԱՆԱՑՎՈՂ ՀՐԱՊԱՐԱԿԱՅԻՆ ՄՐՑՈՒՅԹԻ
ԿԱՆՈՆԱԿԱՐԳԻ

Մ Ա Ս Ն Ա Կ Ց ՈՒ Թ Յ Ա Ն Դ Ի Մ ՈՒ Մ

(հայտատուի անվանումը)

հայտնում է, որ ցանկություն ունի դիմելու «Ռադիոիզոտոպների արտադրության կենտրոն» փակ բաժնետիրական ընկերության կառավարիչ կազմակերպության (կառավարչի) ընտրության համար Հայաստանի Հանրապետության Էկոնոմիկայի նախարարության կողմից իրականացվող հրապարակային մրցույթին և, կանոնակարգի պահանջների համաձայն, կից ներկայացնում է համապատասխան փաստաթղթերը:

Առդիր՝ թերթ:

Հայտատուի անվանումը (ղեկավարի) անունը, ազգանունը -----

(ստորագրությունը)

----- 2013 թ.

ՌԱԴԻՈԻՋՈՏՈՊՆԵՐԻ ԱՐՏԱԴՐՈՒԹՅԱՆ ԿԵՆՏՐՈՆ» ՓԲԸ-Ի
ԿԱՌԱՎԱՐԻՉ ԿԱԶՄԱԿԵՐՊՈՒԹՅԱՆ (ԿԱՌԱՎԱՐՉԻ) ԸՆՏՐՈՒ-
ԹՅԱՆ ՀԱՄԱՐ ՀՀ ԷԿՈՆՈՄԻԿԱՅԻ ՆԱԽԱՐԱՐՈՒԹՅԱՆ
ԿՈՂՄԻՑ ԻՐԱԿԱՆԱՑՎՈՂ ՀՐԱՊԱՐԱԿԱՅԻՆ ՄՐՑՈՒՅԹԻ
ԿԱՆՈՆԱԿԱՐԳԻ

Հ Ա Յ Տ Ա Ր Ա Ր ՈՒ Թ Յ ՈՒ Ն

«ՌԱԴԻՈԻՋՈՏՈՊՆԵՐԻ ԱՐՏԱԴՐՈՒԹՅԱՆ ԿԵՆՏՐՈՆ» ՓԱԿ ԲԱԺՆԵՏԻՐԱ-
ԿԱՆ ԸՆԿԵՐՈՒԹՅԱՆ ԿԱՌԱՎԱՐԻՉ ԿԱԶՄԱԿԵՐՊՈՒԹՅԱՆ (ԿԱՌԱՎԱՐՉԻ)
ԸՆՏՐՈՒԹՅԱՆ ՀԱՄԱՐ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԷԿՈՆՈՄԻԿԱՅԻ
ՆԱԽԱՐԱՐՈՒԹՅԱՆ ԿՈՂՄԻՑ ԻՐԱԿԱՆԱՑՎՈՂ ՀՐԱՊԱՐԱԿԱՅԻՆ ՄՐՑՈՒՅ-
ԹԻՆ ՄԱՍՆԱԿՑԵԼՈՒ ԻՐԱՎՈՒՆՔԻ ԵՎ ՏՎՅԱԼՆԵՐԻ ՊԱՀԱՆՋՆԵՐԻՆ
ՀԱՄԱՊԱՏԱՍԽԱՆՈՒԹՅԱՆ ՄԱՍԻՆ

----- -ը հայտարարում է, որ՝
(մասնակցի անվանումը)

- 1) դատական կարգով սնանկ չի ճանաչվել.
- 2) չունի ժամկետանց պարտքեր՝ Հայաստանի Հանրապետության հարկային և պարտադիր սոցիալական ապահովության վճարների գծով.
- 3) գործադիր մարմնի ներկայացուցիչը հայտը ներկայացնելու պահին նախորդող երեք տարվա ընթացքում դատապարտված չի եղել տնտեսական գործունեության կամ պետական ծառայության դեմ ուղղված հանցագործության համար.
- 4) ներառված չէ գնումների գործընթացին մասնակցելու իրավունք չունեցող մասնակիցների ցուցակում.
- 5) առաջարկը հաստատված է ընկերության վերջնական որոշում կայացնող մարմնի կողմից (հիմքը կցվում է):

Հայտատուի անվանումը (ղեկավարի) անունը, ազգանունը -----

(ստորագրությունը)

----- 2013 թ.

ՌԱԴԻՈԻՋՈՏՈՊՆԵՐԻ ԱՐՏԱԴՐՈՒԹՅԱՆ ԿԵՆՏՐՈՆ» ՓԲԸ-Ի
ԿԱՌԱՎԱՐԻՉ ԿԱԶՄԱԿԵՐՊՈՒԹՅԱՆ (ԿԱՌԱՎԱՐՉԻ) ԸՆՏՐՈՒ-
ԹՅԱՆ ՀԱՄԱՐ ՀՀ ԷԿՈՆՈՄԻԿԱՅԻ ՆԱԽԱՐԱՐՈՒԹՅԱՆ
ԿՈՂՄԻՑ ԻՐԱԿԱՆԱՑՎՈՂ ՀՐԱՊԱՐԱԿԱՅԻՆ ՄՐՑՈՒՅԹԻ
ԿԱՆՈՆԱԿԱՐԳԻ

Հ Ա Յ Տ Ա Ր Ա Ր ՈՒ Թ Յ ՈՒ Ն

ՄԱՍՆԱԳԻՏԱԿԱՆ ԳՈՐԾՈՒՆԵՈՒԹՅԱՆ ՀԱՄԱՊԱՏԱՍԽԱՆՈՒԹՅԱՆ
ՉԱՓԱՆԻՇՆԵՐԻ ՄԱՍԻՆ

_____ -ը հայտարարում է, որ ունի սույն կանոնակարգով
(մասնակցի անվանումը (անունը)

նախատեսված պարտավորությունների կատարման համար պահանջվող մասնագիտա-
կան գործունեության համապատասխանություն:

Ընդ որում, _____-ը հավաստում է, որ մասնակցության հայտը
ներկայացնելու տարվա և դրան նախորդող երեք տարվա ընթացքում պատշաճ ձևով
իրականացրել է մրցույթի առարկային համապատասխանող գործունեություն:

1.	Գործունեության վայրը	Գործունեության տեսակը	Պատվիրատուի և նրա հետ կապ հաստատելու տվյալները	Տարեթիվը՝ _____ թվական
2.	Գործունեության վայրը	Գործունեության տեսակը	Պատվիրատուի և նրա հետ կապ հաստատելու տվյալները	Տարեթիվը՝ _____ թվական
3.	Գործունեության վայրը	Գործունեության տեսակը	Պատվիրատուի և նրա հետ կապ հաստատելու տվյալները	Տարեթիվը՝ _____ թվական

Հայտատուի անվանումը (ղեկավարի) անունը, ազգանունը -----

ստորագրությունը -----

----- 2013 թ.